

Bosna i Hercegovina
Federacija Bosne i Hercegovine
Tuzlanski kanton
Općina Čelić
Općinski načelnik
Broj: 02-45-966/26
Čelić: 30.07.2026. godine

Na osnovu Programa utroška sredstava za novčane podrške u primarnoj poljoprivrednoj proizvodnji utvrđenih Budžetom općine Čelić za 2026. godinu na poziciji „Poticaj za projekte u poljoprivredi“ broj: 01-11-3446/25 od 29.12.2025.god. (Službeni glasnik općine Čelić broj: 07/2025), Općinski načelnik raspisuje:

JAVNI POZIV

I PRAVO UČEŠĆA

Pravo na novčane podrške imaju pravna i fizička lica, (udaljem tekstu: korisnik), koji ispunjavaju sljedeće opće uslove:

- a) da su upisani u Registar poljoprivrednih gazdinstava ili Registar klijenata (u daljem tekstu: RPG i RK),
- b) da su ostvarili neku od poljoprivrednih proizvodnji koja se ovim Programom potiče,
- c) da imaju prebivalište, odnosno sjedište na teritoriji općine Čelić,
- d) da su ispunili poreske obaveze za prethodnu godinu,
- e) da se u roku prijave na Javni poziv.

II POSEBNI KRITERIJI

Pravo na ostvarivanje novčanih podrški stiču korisnici koji pored općih ispunjavaju i posebne kriterije propisane ovim Programom.

- a) Korisnici koji su izvršili **podizanje nasada kornišona** (minimalno 0,05 ha), uz prijavni obrazac obavezni su da dostave:
 - ugovor o otkupu kornišona sa registrovanim otkupljivačem,
 - detaljan prikaz biljnih usjeva (lista korištenja) i
 - ovjerenu izjavu o zasnovanoj proizvodnji.
- b) Korisnici koji imaju **muzne krave u liniji otkupa mlijeka** (minimalno 1 muzna krava) Prijavni obrazac za isplatu novčane podrške za muzne krave u liniji otkupa mlijeka u ime korisnika **podnosi otkupljivač/prerađivač mlijeka**, koji uz prijavni obrazac dostavlja:
 - tabelarni prikaz obračuna novčane podrške za muzne krave,
 - ugovor o isporuci mlijeka za svakog proizvođača sa otkupljivačem-prerađivačem,
 - potvrdu o provedenim obavezanim mjerama (dostavlja se neovjerena kopija)
 - pasoše životinja u skladu sa Pravilnikom o obilježavanju goveda.

Korisnici koji nisu u sistemu otkupa mlijeka lično predaju pojedinačni zahtjev, uz prijavni obrazac dostavljaju:

- potvrdu o provedenim obaveznim mjerama (dostavlja se neovjerena kopija),
- detaljan prikaz stočnog fonda (lista stoke) i
- pasoje životinja u skladu sa Pravilnikom o obilježavanju goveda

c) Korisnici koji imaju **uzgoj konja/pastuha** (minimalno 2 komada) uz prijavni obrazac obavezni su da dostave:

- detaljan prikaz stočnog fonda (lista stoke)
- potvrdu nadležne veterinarske stanice o provedenim mjerama, i
- ovjerenu izjavu da životinje vlasništvo korisnika koji podnosi prijavu.

III PROCEDURA ODABIRA KORISNIKA

Korisnici – poljoprivredni proizvođači sa područja općine Čelić podnose prijavu za ostvarivanje novčane podrške Odsjeku za poljoprivredu i poduzetništvo zajedno sa dokumentacijom propisanom Programom, te odgovaraju za vjerodostojnost podataka sadržanih u istom.

Obrasci zahtjeva i potrebne izjave se mogu preuzeti u Odsjeku za poljoprivredu i poduzetništvo općine Čelić.

Odsjek, u skladu sa Programom i Javnim pozivom zaprima, obrađuje i vrši provjeru dokumentacije.

Nakon provjere i obrade dostavljene dokumentacije, Odsjek će uraditi obračun i prijedlog za isplatu novčanih sredstava i dostaviti Općinskom načelniku na odobravanje, a nakon odobravanja Služba za računovodstvene, poslove trezora, privredu i razvoj će isplate vršiti svakom pojedinačnom korisniku na njegov žiro račun otvoren kod neke od poslovnih banaka.

Isplate na ime novčanih podrški po ovom Programu, a koja su planirana u Budžetu općine Čelić, vršiti će se u skladu sa likvidnim mogućnostima Budžeta, o čemu će odlučivati Općinski načelnik, kako je to propisano Odlukom o izvršenju budžeta općine Čelić za 2026. godinu.


Poljoprivredni proizvođači - aplikanti koji podnesu prijave za novčane podrške utvrđene ovim Programom a iz bilo kog razloga ne budu ispunili sve kumulativne uslove propisane Programom, Odsjek će obavijestiti putem pisane obavijesti o neispunjavanju uslova i nemogućnosti ostvarivanja prava na novčanu podršku, te će se u obavijesti navesti razlozi zbog kojih nisu ostvarili to pravo.

Sve dodatne informacije mogu se dobiti u Odsjeku za poljoprivredu i poduzetništvo Općine Čelić, III sprat, kancelarija broj 309. ili na broj telefona 035/668-659 svakim radnim danom od 07:30 - 16:00 sati.

Javni poziv ostaje otvoren 15 dana od dana objavljivanja.

Nepotpune i neblagovremene prijave se neće uzeti u razmatranje.

OPĆINSKI NAČELNIK



Admir Hrustanović dipl. oec.

